

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 17 (1921)

Rubrik: L'academia rom. el collegi a Sviz

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>

L' academia rom. el collegi a Sviz.

L' academia romontscha a Sviz ha ual varghentau sia tschunavla annada. Tier la redunonza presapauc meinsila serimnavan mintgamai circa trenta luvrers ord Sur- e Sutselva. — En mintga sessiun, semanifestava legria, frestga veta ed ina carschenta carezia per nossa viarva romontscha e la cara patria grischuna. —

Vid il guvernagl luvravan cun premura: il pres. G. Fidel Venzin, stud. della 6avla latina, il vicepres. R. Lecrog, stud. d. 5avla technica ed igl actuar G. B. Giger, stud. d. 4ta mercantila.

Las uras vegnevan emplenidas ora cun declamaziuns de pintgas ne grondas ovras poeticas da part dils novs e giuvens, e cun pli liungas lavurs en scret da vart dils gia avanzai academichers. Concernent las davosas prestaziuns essan nus uonn sefermai sin territoric historic grischun, fagend ina sperta cuorsa tras la vallada dil giuven Rein giuedora.

Igl emprem referent ha plidau tier nus sur de: „Cruschs e larmas a Selva avon biebein 100 onns”, in auter ha saviu raquintar a nus bizaras „anecdotas d' uors sigl intschess de Mustér”, in tierz ha intercuretg „la veglia tuor de Cartatscha a Trun” cun sia remarcabla détga, in quart ha referiu sur: „L' aua gronda en Val s. Pieder” ed aschia vinavon.

Tier las lavurs sesurvevan nus d' ina pintga biblioteca romontscha, fundada avon in pèr onns, la quala munglass denton vegnir augmentada considerablamein. —

Nus spetgein en caussa effectiv agid tras la „Romania” en cudischs ne scartiras ed aunc pli bugen en bancnotas. —

En quella biala speronza e spetgia mirein
nus cun curascha egl avegnir e salidein cordial-
mein nos amitgs e collaboraturs ella defensium
e cultivaziun della cara viarva romontscha.

Selegra mumma romontscha,
Tes fegls lavuran da gust,
Tiu plintschiu mo pauc pli balontscha,
Cun flurs seornescha tiu frust.
Tia caussa en meglier semida,
La mumma Helvetia nus gida.

Per l'academia romontscha de Sviz:

Il protectur:

A. Giger, prof.

(En sia memia gronda modestiadat ha il re-
ferent tralaschau ded allegar sias bialas publica-
ziuns originalas en prosa e poesia en la Pagina
romontscha della rivista „Grüsse aus Maria
Hilf“. Era igl Ischi spetga e sefida sin ils de Sviz.
La Redacziun.)

L'academia romontscha „Il curtin“ en la claustra de Mustér.

Ina biala sera de primavera sesan dus stu-
dents romontschs sut ina glenda si sur claustra.
Entamaun tegnan els la crestomazia de Dr. Cas-
par Decurtins. In fin vent vespertin termaglia cun
la feglia della glenda e cun ils fegls dil cudisch.
Els legian dad ault las bialas poesias, che tunan
baul sco il dutget, che va sur il mes-chel ora
e baul puspei sco nies Rein ramuront. Cun ardi-
ment e luschezia declameschan els las bialas
poesias, balladas e cantadas. Las fatschas brinas
de quels dus ein cotschnidas, e lur égls terlischan
da carezia per lur bi lungatg matern. Els volvan